



囡仔時代的新正年頭

往過的人會趁新正工課閒站的時，出招厝邊隔壁去外口罔行罔看，毋過彼陣干焦有火車通坐，去的所在毋是海邊、溪墘，嘛毋是有山有水的庄跤，顛倒基隆、臺北較鬧熱的街市，才是內山人上捷行跤到的所在。

庄跤人欲出門的前一暝，大人佢細漢囡仔攏歡喜甲袂顧得，規暗反來反去，睏袂瞌睡，天才拆箸，規陣人早都揀起來 luā-luā 趁，款欲出門。

查某人攢胭脂、膨粉咧妝姘，換一軀上嬌的新衫來穿，毋捌試過的懸屐仔，嘛趁這個流擺，對鞋櫥仔共 liú 出來，行一輾轉透試看是毋是會合。查埔就較清彩啊，共娶某彼軀舊西裝閣搜出來筊筊拌拌咧，皮鞋拖出來拭予金，囊看閣會穿得無。

大大細細老的少年，按頭到尾清氣、樸實的穿插，細膩、誠意的心情，有成欲上京赴考的秀才，用鏡照甲有佻意，才迺過戶橫出門，行去火車頭拆車單，跔上月台等車。

過年時的火車頭、月台、車廂內底拷拷齊人，常在看著廿九暝欲轉去過年的人客，無法度攢入去車廂內底，識甲規陣倚佇火車母的雙片邊仔，一片一排成十人，看現現的機關手知拄知，攏無出喙去擋，啊倚的人嘛甘願開錢佇遐搨冷風，猶毋捌聽講有人跋落來夯火車輪的。彼陣的我，一个屁窠仔大的囡仔疔，頭殼內想的，顛倒是火車駛過暗眠摸閣塊蓬蓬的磅空，個是欲按怎喘氣？敢袂一頭一面若烏鬼仔番咧？

便若有去基隆耍，透底是去港墘仔看大船放尿，奇的毋是彼港水，是罕得幾時才看一改的緣故。繼落去，步輦去中正公園看光景，路途無蓋遠，大概十桶分就到位，若跛瘦貧憐，橐袋仔閣有錢，就喊三輪車來坐，拖到公園跤，才跔坎仔起去看。

新正年頭，沿路挨挨映映的人陣，較濟過狗蟻，賣四秀仔的販仔，對山跤連到山頭，攏無閭縫，毋是賣食的，就是囡仔物，我逐項攏有佻意，干干仔無錢通買，喙焦家己紮水罐，腹肚枵就清彩路邊的搥仔麵罔食，定著是阿爸予我的哲年錢提來開，濫糝行烏白看，短短仔一工就煞去矣。

作者：藍春瑞

☆詞彙學習☆

【閒站】làng-tsām：停歇的時候。

【瞌睡】ka-tsuē：入眠。

【拆箸】thiah-háh：形容天剛破曉。

【妝姘】tsng-thānn：化妝、打扮。

【懸屐仔】kuân-kiáh-á：高跟鞋。

【liú 出來】liú--tshut-lâi：挖出來。

【囊】long：穿、套。

【穿插】tshīng-tshah：穿著、打扮。

【拆車單】thiah-tshia-tuann：買車票。

【常在】tshiāng-tsāi：經常、時常。

【成】tsiānn：大約、左右。

【機關手】ki-kuan-tshiú：火車駕駛工。

【屁窠仔】phuì-that-á：指人個子瘦小。

【烏鬼仔番】oo-kuí-á-huan：黑人。

【透底】thàu-té/thàu-tué：從來。

【步輦】pōo-lián：步行。

【哲年錢】teh-nî-tsīnn：壓歲錢。